

Registracija birača izvan BiH

3.7.2020



U skladu sa Uputstvom o rokovima i redoslijedu izbornih aktivnosti za Lokalne izbore 2020. godine koji će se održati u nedjelju, 15. novembra 2020. godine rok za registraciju birača koji glasaju izvan BiH ističe 1. septembra 2020. godine u ponoć.

Oni državljani BiH koji su u inostranstvu, a koji su bili registrirani za glasanje iz inostranstva na zadnjim izborima održanim 2018. godine, ukoliko ponovo žele biti registrirani da glasaju iz inostranstva moraju popuniti obrazac PRP2 i sa kopijom važećeg identifikacionog dokumenta dostaviti u Centralnu izbornu komisiju BiH.

Ostali državljani BiH koji žele da glasaju iz inostranstva na predstojećim izborima popunjavaju obrazac PRP1 i uz prateću dokumentaciju dostavljaju Centralnoj izornoj komisiji BiH.

Prijavne obrasce PRP1 i PRP2 sa uputstvom o načinu prijave i dostave birači mogu preuzeti na internet-stranici Centralne izborne komisije BiH. Na ranijim izborima Centralna izborna komisija BiH je personalizirane obrasce PRP2 dostavljala na adrese birača koji su na posljednjim izborima bili registrirani da glasaju izvan BiH. Zbog činjenice da nisu osigurana sredstva za provedbu izbora, pa samim tim nije bilo moguće ovaj put blagovremeno provesti nabavku usluge poštanske dostave obrazaca, birači mogu i ove obrasce preuzeti na našoj internet stranici.

Osim preciznog pisanog uputstava, Vodiča i obrazaca PRP1 i PRP2 na web stranici Centralne izborne komisije BiH objavljen je i **video spot o popuni i dostavi obrazaca PRP1 i PRP2.**

Izradu navedenog spota je pomogla Misija OSCE-a u BiH. To je samo jedan segment značajne podrške koju Misija OSCE-a u BiH pruža Centralnoj izbornoj komisiji BiH u organizaciji Lokalnih izbora 2020. godine.